



14. februar 2022

UPA 2022/69

Inatsisartut iliuusissaannut malittarisassat § 33 tunngavigalugu matumuuna aaliangiiffigisassatut ima siunnersuuteqarpunga:

AB-atuisunut aaqqissuussamut, Danmarkimi atuuttumut assingusumik Naalakkersuisut aallartitsinissaannik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaqa Jens-Frederik Nielsen, Demokraatit)

Tunngavilersuut

Demokraatini uagut isumaqarpugut, annertuunik aserfallatsaalisaanernik-, nutarsaanernik- imaluunniit aaqqissuussinernik suliaqartussamik sulisitsisoqartillugu pingaartuusooq illumik- aamma najugarisamik piginnittut nalinginnaasut illersorneqarnissaat.

Pissutsit ullumikkutut itsillugit, illumik- najugarisamilluunniit piginnittut ataasiakkaat qularnermik nalorninermilluunniit inissinneqartarput sulisitaq pitsaanngittumik amigartumilluunniit sulisimappat.

Danmarkimi "Standardaftalen AB-Forbruger"¹ pigineqarpoq, Erhvervs- og Byggestyrelsen, Dansk Byggeri, Tekniq og Forbrugerrådet akornanni suleqatigiilluni pilersinneqarsimasooq.

Isumaqatigiissutaavoq, inuinnaat sanaartortitsineranni atorneqarsinnaasooq. Atuisooq imaluunniit sanaartornermik suliaqartoq pinngitsaalisamik isumaqatigiissummik atugaqarnissaminik pisussaatinneqanngilaq, kisiannili illuatungeriit isumaqatigiissutip atornissaa toqqarpasusuk, isummerfigereerneqartarpoq, atuisup aammalu sanasorineqartup suut pisussaafiginerai, aamma soorlu assersuutigalugu suliap kinguaattoornerani, kukkusoqarnerani imaluunniit amigateqarnerani suut kinguneqartitsissutigineqassanersut. Isumaqatigiissutip illuatungeriit soqutigisaat illersorpaa aammalu illuatungeriinnut ikiorsiissutaalluni pitsaasooq, annermilli atuisumut, itinerusumik sanaartortitsinermut sanaartornermilu isumaqatigiissutininut sanasutut sanilliullugu ilisimasaqarpallaanngitsumut.

Demokraatini imatut paasivarput, isumaqatigiissut atuisumut illersuutitut suliarilluugaallunilu misilerarneqarluareersooq suliakkiisuup sanasussallu akornanni isumaqatigiissuteqarnikkut.

Taamaattumik neriutigaara, aaqqissuussap suliarineqarnerani sanaartortunit atuisuniillu suleqateqarnikkut pilersinneqassasooq.

Neriuppunga, amerlanerussuteqarluartut atuisut atugaasa pitsanngorsarnissaannut isumaqataassasut.

Aningaasatigut allaffissornikkullu pisortanut kingunissai

Naalakkersuisut naatsorsuutigaat, aaqqissuussamik taama ittumik eqqussinissaq pisortanut aningaasatigut eqquingaarunnangitsoq. Taamaattorli allaffissornikkut, tassani naatsorsuutigineqartariaqarluni avataaniit

¹ <https://boligejer.dk/file/64019/forbrugraftalen.pdf>



siunnersortinut aningaasartuuteqarnissaq suliap naammassiniarnerani, isumaqatiginninniaqatissanut isumaqatiginninniarnernut peqataanerni allanullu.²

Namminersortunut aningaasatigut allaffissornikkullu kingunissai

Aaqqissuussamut atasumik aningaasartuuteqartoqarnissaa naatsorsuutigineqanngilaq.

Innuttaasunut aningaasatigut allaffissornikkullu kingunissai

Naatsorsuutigineqarpoq innuttaasut isumaqatigiinnginneranni ullumikkornit pitsaanermik periarfissaqalissasut.

² https://ina.gl/documents/para3637/2020/svar/178_2020_Standardaftalen_AB-Forbruger_JUHA_akissut.pdf